

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), Zakona o izvršavanju Budžeta Zeničko-dobojskog kantona za 2012. godinu („Službene novine Zeničko-dobojskog kantona“, broj: 05/12) i Zaključka o usvajanju Programa utroška sredstava budžeta za zdravstvenu zaštitu životinja u 2012. godini, broj: 02-14-11971/11 od 24.05.2012. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na sjednici 74. sjednici, održanoj 09.08.2012. godine, d o n o s i

ZAKLJUČAK

o odobravanju sredstava za provođenje mjera preventivnog cijepljenja svinja protiv zarazne bolesti svinjske kuge u 2012. godini

I

Odobravaju se sredstva u iznosu do 15.000,00 KM (slovima: petnaest hiljada konvertibilnih maraka) radi provođenja mjera preventivnog cijepljenja svinja protiv zarazne bolesti svinjske kuge na području Zeničko-dobojskog kantona.

II

Sredstva iz tačke I ovog Zaključka isplatiti će se iz Budžeta Zeničko-dobojskog kantona za 2012. godinu, sa razdjela 23- Ministarstva za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „ Subvencije – veterinarstvo“.

III

Cijepljenje životinja provesti će se u obimu kako je predviđeno Programom utroška sredstava budžeta za zdravstvenu zaštitu životinja u 2012. godini preko registrovanih Veterinarskih organizacija.

IV

Isplata sredstava izvršiti će se Općinama nakon što Veterinarske organizacije dostave izvještaje o provedenoj mjeri nadležnoj općinskoj službi, koja je obavezna iste dostaviti Ministarstvu u roku od 15 dana od završene mjere cijepljenja.

Cijena jednog vakcinisanog grla biti će isplaćena u iznosu od 5,00 KM, sa PDV-om.

Rok za sprovođenje mjere cijepljenja je do 30.09.2012. godine.

V

Nadzor nad provođenjem preventivnog cijepljenja vršiti će kantonalni veterinarski inspektori i službeni veterinari Ministarstva za poljoprivredu, šumarstvo i vodoprivredu Zeničko-dobojskog kantona.

VI

Za realizaciju ovog Zaključka zadužuju se Ministarstvo za poljoprivredu, šumarstvo i vodoprivredu, Ministarstvo finansija i Kantonalna uprava za inspekcijske poslove svi u okviru svojih nadležnosti.

VII

Zaključak stupa na snagu danom donošenja.

Broj: 02-_____ /12.

Datum, 09.08.2012. godine

Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ministarstvo finansija,
- 1x Kantonalna uprava za inspekcijske poslove,
- 1x Svim općinama Zeničko-dobojskog kantona (putem ministarstva)
- 1x a/a.